

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj: T06 0 KTPO 0034731 24
Travnik, 29.04.2025. godine

KANTONALNOM SUDU NOVI TRAVNIK
-sudiji za prethodni postupak –
NOVI TRAVNIK

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Potvrđena dana 7.5.2025. godine

Protiv:

1. Mario Vujević

2. Mladen Vujević

Mario Vujević

U periodu od 01.01.2019. godine do 31.12.2020. godine, kao poreski obveznik u smislu člana 2 stav 3 i člana 21 Zakona o porezu na dohodak FBiH (SL nov. FBiH broj: 10/08,9/10,44/11,7/13 i 64/,13), u svojstvu suosnivača i suvlasnika pravnog lica „VUJEVIĆ COMPANY“ d.o.o. Vitez sa postotkom udjela od 69,9999%, izbjegao plaćanje davanja propisanih poreznim zakonodavstvom u Federaciji, ne dajući zahtjevane podatke o svom stečenom oporezivom prihodu., na način da Poreznoj upravi FBiH nije dao zahtjevane podatke o stečenom oporezivom prihodu za dane 10.10.2019., 12.12.2019., 23.03.2020. i 17.04.2020.godine, stečene po osnovu prodaje udjela-prihoda od vlastitih imovinskih prava u pravnom licu „VUJEVIĆ COMPANY“ d.o.o. Vitez, drugom pravnom licu „MALI FIS“ d.o.o. Vitez, po zaključenom Okvirnom ugovoru o prenosu udjela u društvu VUJEVIĆ-KOMPANY d.o.o. Vitez od 31.10.2019.godine, Ugovoru o prenosu udjela od 03.06.2020godine, OPU Ov ... od 03.06.2020.godine te Protokolu o utvrđivanju neto kapitala i konačne kupoprodajne cijene od 03.06.2020.godine, OPU OV ... od 03.06.2020.godine, ukupne kupoprodajne vrijednosti 100% udjela u iznosu od 10.800.000,00 KM, od koje je na njegov račun, u navedenom vremenskom periodu uplaćen iznos od 7.560.000,00 KM, i to tokom 2019.godine iznos od 4.200.000,00 KM, a tokom 2020.godine iznos od 3.360.000,00 KM, čime je izbjegao plaćanje poreza na dohodak od 10% na razliku između primljenih sredstava od prodaje udjela u iznosu od 7.560.000,00 KM i nabavne vrijednosti uvećane za rast proizvođačke cijene industrijskih cijena u iznosu od 349.424,90 KM, u ukupnom iznosu od 721.057,51KM, i to za 2019.godinu u iznosu od 400.587,51 KM a za 2020.godinu u iznosu od 320.470,01 KM, postupajući suprotno članu 32. stav 4. u vezi sa članom člana 27. stav 1. Zakona o porezu na dohodak prema kojoj je bio u obavezi platiti porez na dohodak od imovinskih prava primjenom stope od 10%, istog dana ili dan poslije prijema uplate, iako je bio svjestan da ne dajući podatke o svom stečenom oporezivom prihodu izbjegavana plaćanje poreza na dohodak, što je i htio, na

koji način je pribavio sebi imovinsku korist pribavljenu krivičnim djelom u iznosu od 721.057,51 KM za koji iznos je ošteti Budžet SBK

Dakle, za sebe izbjegao plaćanje davanja propisanih poreznim zakonodavstvom u Federaciji, ne dajući zahtjevane podatke o svom stečenom oporezivom prihodu, a iznos obveze čije se plaćanje izbjegava prelazi 200.000 KM

Mladen Vujević

U periodu od 01.01.2019. godine do 31.12.2020. godine, kao poreski obveznik u smislu člana 2 stav 3 i člana 21 Zakona o porezu na dohodak FBiH (SL nov. FBiH broj: 10/08,9/10,44/11,7/13 i 64/13), u svojstvu suosnivača i suvlasnika pravnog lica „VUJEVIĆ COMPANY“ d.o.o. Vitez sa postotkom udjela od 30,01%, izbjegao plaćanje davanja propisanih poreznim zakonodavstvom u Federaciji, ne dajući zahtjevane podatke o svom stečenom oporezivom prihodu, na način da Poreznoj upravi FBiH nije dao zahtjevane podatke o stečenom oporezivom prihodu za dane 10.10.2019., 12.12.2019., 23.03.2020. i 17.04.2020.godine, stečene po osnovu prodaje udjela-prihoda od vlastitih imovinskih prava u pravnom licu „VUJEVIĆ COMPANY“ d.o.o. Vitez, drugom pravnom licu „MALI FIS“ d.o.o. Vitez, po zaključenom Okvirnom ugovoru o prenosu udjela u društvu VUJEVIĆ-KOMPANY d.o.o. Vitez od 31.10.2019.godine, Ugovoru o prenosu udjela od 03.06.2020.godine, OPU Ov ... od 03.06.2020.godine te Protokolu o utvrđivanju neto kapitala i konačne kupoprodajne cijene od 03.06.2020.godine, OPU OV ... od 03.06.2020.godine, ukupne kupoprodajne vrijednosti 100% udjela u iznosu od 10.800.000,00 KM, od koje je na njegov račun, u navedenom vremenskom periodu uplaćen iznos od 3.240.000,00 KM, i to tokom 2019.godine iznos od 1.800.000,00 KM, a tokom 2020.godine iznos od 1.440.000,00 KM, čime je izbjegao plaćanje poreza na dohodak od 10% na razliku između primljenih sredstava od prodaje udjela u iznosu od 3.240.000,00 KM i nabavne vrijednosti uvećane za rast proizvođačke cijene industrijskih cijena u iznosu od 149.754,10 KM, u ukupnom iznosu od 309.024,59 KM, i to za 2019.godinu u iznosu od 171.680,33 KM, a za 2020.godinu u iznosu od 137.344,26 KM, postupajući suprotno članu 32. stav 4. u vezi sa članom člana 21. stav 3. 27. stav 1. Zakona o porezu na dohodak prema kojoj je bio u obavezi platiti porez na dohodak od imovinskih prava primjenom stope od 10%, na osnovicu koju čini razlika između prihoda utvrđenih prema tržišnoj vrijednosti imovinskog prava koje se prodaje uz naknadu i nabavne vrijednosti uvećane za rast proizvođačke cijene industrijskih proizvoda i to istog dana ili dan poslije prijema uplate, iako je bio svjestan da ne dajući podatke o svom stečenom oporezivom prihodu izbjegavana plaćanje poreza na dohodak, što je i htio, na koji način je pribavio sebi imovinsku korist pribavljenu krivičnim djelom u iznosu od 309.024,59 KM za koji iznos je ošteti Budžet SBK

Dakle, za sebe izbjegao plaćanje davanja propisanih poreznim zakonodavstvom u Federaciji, ne dajući zahtjevane podatke o svom stečenom oporezivom prihodu, a iznos obveze čije se plaćanje izbjegava prelazi 50.000 KM

Čime da bi počinili :

Mario Vujević pod tačkom I produženo krivično djelo Porezna utaja iz člana 273. stav 3. u vezi sa stavom 1. KZ FBiH u vezi sa članom 55. KZ FBiH

Mladen Vujević pod tačkom II produženo krivično djelo Porezna utaja iz člana 273. stav 2. u vezi sa stavom 1. KZ FBiH u vezi sa članom 55. KZ FBiH

Predlaže se da se u smislu odredbe člana 114. KZ FBiH od osumnjičenih oduzme imovinska korist pribavljena krivičnim djelom i to od osumnjičenog Mario Vujević u iznosu od 721.057,51 KM, a od osumnjičenog Mladen Vujević u iznosu od 309.024,59 KM

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.